

ESANAK

XABIER ARZALLUZ

(EAJren EBBko presidentea)

«Jaurlaritzaren jardunari traba egiteko desioan bakarrik datoz bat oposizioko alderdiak»

LEOPOLDO BARREDA

(PPko bozeramailea Legebiltzarrean)

«Demokraziaren mugak ukitu dituzte EAJk, Eak eta Iuk, eta joko arauak aldatu nahi dituzte»

RODOLFO ARES

(PSEko bozeramailea Legebiltzarrean)

«Jaurlaritza salbatzeko trikimailua besterik ez da, eta arautegia beren mesedetan erabili dute EAJk, Eak eta Iuk»

ARNALDO OTEGI

(Batasuneko bozeramailea)

«Erabaki behar da nola erabiltzen den sosa publikoa Euskal Herriak dituen arazoei aurre egiteko»

burujabetasunaren aldeko proiektua dela. Eta «ezberdintasun» horretan oinarritu dira EAJ, EA eta EB-IU, hiru bozketa eta hiru eztabaida ezberdin egiteko.

«Jaurlaritzak beste aurrekontu proiektu bat ekarri beharko balu, zergatiak argia eta garbia izan beharko luke proiektu berria egiteko. Horregatik garbi izan behar da aurrekontuak gaitzesteko arrazoia, eta ezin dira hiru arrazoi ezberdin izan, ez legokeelako modurik berria egiteko», arrazoitu dute Jaurlaritzako aldekoek. «Zuzenketa ezberdinak badira, bozketa ezberdinak egin beharko dira», erantsi dute iturri horiek.

Argudioak ez du balio oposizioko alderdietzat. Leopoldo Barreda PPko eledunak adierazi du EAJk, Eak eta EB-IUK «demokraziaren mugak ukitu» dituztela. Gainera, Barredak uste du «joko arauak» aldatu nahi dituztela Jaurlaritzako alderdiek, euren asmoa aurrera ateratzeko. Barredaren arabera, arautegiaren 124. artikulua ez da aplikatu behar osoko zuzenketa eztabaidan.

Iritzi bera azaldu zuen Rodolfo Ares PSE-EEko bozeramaileak. EAJ, EA eta IUren proposamena, Jaurlaritza salbatzeko «trikimailua» besterik ez dela esan du, eta arautegia beren mesedetan erabiltzea egotzi die.

KONTZERTU EKONOMIKOA. Urte amaiera arte negoziatziorako «astia badagoela» dio

Maider del Olmo | BILBO

Kritika gogorak egin dizkio Xabier Arzalluz EAJren EBBko lehendakariak Madrili, Kontzertu Ekonomikoaren harira. Arzalluzen arabera, «gobernuak estatusun ekonomikoan jarri nahi du Euskadi, EAEko biztanleak kate motzean loturik izateko, eta horretarako euskal herritarren poltsikoak hustu nahian dabil». Buruzagi jeltzaleak dio euskal herritarren behar baino diru kopuru handiagoa ordainarazi nahi diotela, eta «onartezina» dela hori.

Osasun arloan, esaterako, 20.000 milioi pezeta ordaindu beharko dizkio Jaurlaritzak Madrili. Kupotik Madrilgo gobernuak «behar baino» 40.000 milioi gehiago bideratu nahi dituela ere salatu du EAJk.

Halaber, Madrilak ez duela kontzertuaren gaineko akordio nahi uste du Arzalluzek, bestela, «aspaldian» izango zutelako hitzartua: «Borondatea izanez gero, nahikoa izango litzateke ordubete eskas. Nolanahi ere, badirudi Jaurlaritzak nik baino fede handiagoa duela, eta negoziatioekin jarraitzeko prest dagoela erakutsi du».

Arnaldo Otegi Batasuneko bozeramaileak, berriz, atzo adierazi zuenez, «bi aldeak biltzekoak dira Madrilan, baina inork ez daki zertaz mintzatzeko diren, dena dela, oposizio irmoa egiten dutela frogatzeko bilera deitu dute».

Otegiaren irudiko Juan Jose Ibarretxe lehendakariak azaldu beharko luke «zergatik dagoen prest 174.000 milioi ordaintzera, horietatik 40.000 milioi Barne Ministerioari, 50.000 Defentsa Ministerioari, 5.000 Errege Etxeari. Hori da azaldu behar duena, eta ahaztu 40.000 milioiak, inork ez dakielako nongoak diren eta Montoro berak ukatu duela diru hori eskatu zaionik», azaldu zuen, atzo, Iruñean.

Ika-mika, epeen kontura

Bestalde, Jaurlaritzaren haserrea piztu du, Espainiako Kongresuak Kontzertuaren luzapenaren gainean atzo hartutako erabakiak. Hilaren 20an luzapenerako Lege Proiektua onartuko dutela iragarri du Kongresuak. Horregatik, Madrilak dio, astebete besterik ez dutela bi aldeek kontsentsu testu bat adostu, eta negoziatioak ixteko.

Jaurlaritzak ukatu egin du, aitzitik, hori horrela denik, eta urte amaiera bitartean «astia badagoela» berretsi du.

Cristobal Montoro Ogasun ministroak, halaber, uste du



LUIS TEJIDO / EFE

Xabier Arzalluz, atzo, Bilbon, kazetariekin hizketan.

Madril «euskal herritarren poltsikoak hustu nahian» ari dela esan du Arzalluzek

EAEko biztanleak «kate motzean lotzeko saiakera» salatu du

KUPO LIKIDOA**Jaurlaritzaren kalkuluak**

Juan Jose Ibarretxe EAEko lehendakariak adierazi du ez diola Madrilgo gobernuari Aurrekontu proiektuan iragarri duen dirutza guztia ordainduko, behar baino 40.000 milioi pezeta gehiago aurreikusi duela. Josu Jon Imaz Jaurlaritzako eledunak Ibarretxek bezperan esandakoa berretsi zuen, eta argitu zuen nondik atera duen kopuru hori. Aurrekontu proiektuan PPren gobernuak aurreikusi du EAEko Kupoaren bitartez 191.841 milioi pezeta eskuratuko dituela. Halaber, Kupo likidoa, hau da, ordaindu behar duena, 151.848,3 milioi pezeta izango direla dio. Hor dago 40.000 milioi pezetako alde. Hala ere, kopuru hori alda daiteke hitzartutakoaren arabera, Kupoaren sistemarekin beste diru sarre batzuk adosten badira. Esaterako, ez egoilarren zergak edo zenbait funtzionario estatutalenak. Horien arabera, Kupo likidoa alda daiteke.

Ibarretxe lehendakariak «estrategia aldatu» duela azken asteotan: «Kupoari lehentasuna eman eta Europa bigarren mailan uzten badu, euskal gizarteari akordioa ez sinatzeko dituen benetako arrazoiak ez-

kutatzeagatik egiten du», esan zuen. Jaime Mayor Oreja PPko buruak «zentzugabea» iritzi dio, bestalde, Ibarretxek estatuaren aurrekontuetara bideratutako dirua ez ordaintzeko egindako «mehatxuari».

**OLAZTIKO UDALA**

Udalak bi mila eta bateko urriaren 25ean egindako Osoko Bilkuran honako erabaki hau hartu zuen:

5.- Geltoki Auzoko Saneamendu Proiektuaren Onarpena. Desjabetzaren Espedientearen Hasiera. Herri Onurako eta Interes Sozialeko Deklarazioa. Eragindako Ondasun eta Eskubideen Zerrendaren Hasierako Onarpena.

GELTOKI AUZOKO SANEAMENDU PROIEKTUAREN ONARPENA, DESJABETZAPEN ESPEDIENTEAREN HASIERA, HERRI ONURAKO ETA INTERES SOZIALEKO DEKLARAZIOA, ETA ERAGINDAKO ONDASUN ETA ESKUBIDEEN ZERRENDAREN HASIERAKO ONARPENA.

I. AURREKARIAK

BAKARRA. Olaztiko Udalak Olaztiko Geltoki auzoan Saneamenduko Kolektore bat egin nahi du, gaur egun jarduerak eta egoiliarren hartzen dituzten erakinetako hondakinak modu iregularrean isurtzen direlako.

II. ZUZENBIDEZKO OINARRIAK

LEHENDABIZI. Olaztiko Udalak, beste edozein udalek bezala, eskumenak ditu saneamendu, hondakin-uren biltze eta estolderia arloetan, Toki-Administrazioaren Arabideko Oinarrien Legeko 25. artikuluan araberak (L.B.R.L.), eta, gainera, ezinbestean beste beharrek zerbiztu bat da, aipatu Oinarrien Legeko 26. artikuluan araberak.

BIGARRA. Nafarroako Toki Administrazio Foru Legeko 216. artikulua (L.F.A.L.N.) dio tokiko herri-lanak direla toki-entitateek egiten dituzten oin barriko, konponketa edo mantentze lanak, nola diru propioa erabiliz, hala beste entitate edo partikular batzuen laguntzarekin, betiere bere eskumeneko zerbiztuei erantzuteko edo haiek egiteko.

Tokiko herri-lan batzuk arruntak dira, eta beste batzuk hirigintza, eta azken horiek hirigintza arloko legedari jarraitzen diote.

HIRUGARRA. Herri-Administrazioen Kontratuari buruzko 18/1995 Legeko 124. artikuluan araberak, obra-proiektuek honako hauek izan behar dituzte: memoria bat, plano orokorrak eta xehetasunekoak, agindu teknikoaren orria, aurrekontua, prezioak eta neurketak adieraziz, hala nola garapen programa bat; 20.000.000 ptatik beherako aurrekontuaren hastapeneko obraren proiektuaren, aurreko dokumentuak bateratu edo kendu ahal izango dira, espedienteari loturiko dokumentazioa nahikoa bada obrak zehaztu, balioztatu eta gauzatzeko.

LAUGARRA. Derrigorrezko Desjabetzaren Legeko 9. artikulua (L.E.F.) dio derrigorrezko desjabetzapena egiteko ezinbestekoa izango dela aurrez deklaratzeko herri onurakoa edo gizarte interesekoa dela desjabetutako objektuari lotuko zailon xedea.

Aipatu Legeko 10. artikuluan eta azken hori garatzeko R.E.F. Araudiko 112. artikuluan araberak, herri onurako deklarazioa inplizituzat jotzen da, higiezinaren desjabetzapenari dagokionez, Estatuak, probintziak edo udalak sustatutako obra eta zerbiztu plan guztietan.

BOSGARRA. L.E.F.ko 15. artikuluan eta R.E.F.ko 15. artikuluan araberak, herri-onura deklaratu, administrazioak erabakiko du desjabetzapena egiteko ezinbestekoak diren ondasunak okupatzeko behar zehatzari buruz.

Desjabetzen duen administrazioak, Udalak kasu honetan, okupatu beharrezkotzat jotako ondasunen zerrenda zehatz eta banan-banakoa egingo du, eta honako hauek adieraziko ditu: egoera material eta juridikoa; eragindako jabeen izena, non bizi diren edo helbidea agertuz; gauza bera kalte-ordainen bat izan dezakeen eskubide edo interesen bat dutenekin. Ondoren, zerrenda jendakurrean izango da 15 egunetan, interesatuek bidezko jotzen dituzten alegazioak egin ditzaten.

L.B.R.L.ko 25. artikulua, L.F.A.L.N.ko 215. eta 216. artikulua, L.E.F.ko 9. 10 eta 15. artikulua, eta R.E.F.ko 4, 11 eta 15. artikulua ikusirik, Olaztiko Udalbatzarrak aho batez hau erabaki du:

- 1.- Onartzea Olaztiko Geltoki auzoan "Saneamenduko Kolektorea" egiteko Obraren Proiektua.
- 2.- Hori herri-onurakoa zein gizarte-interesekoa dela adierazteko, L.E.F.ko 9. eta 10. artikuluen arabera.
- 3.- Hasiera batean onartzea eragindako ondasun eta eskubideen zerrenda, eta adierazteko nor diren haien jabeak, hala nola kalte-ordainen bat izan dezakeen eskubide edo interesen bat duten izenak, derrigorrezko desjabetzapenari buruzko legedaren arabera (L. ERANSKINA).
- 4.- Erabakiaren berri zuzena hauei ematea: Jose Montelay Irastorza jauna, Nafarroako Foru Erkidegoa (Herri-lan eta Garraio Departamentua, Bide Zerbizua), Cementos Portland, S.A., Renfe, Nafarroako Ondare Buruzagitza. Horren helburua da berria jaso eta hurrengo 15 egunetan aukera izatea bidezkotzat jotzen dituzten alegazio guztiak aurkezteko.
- 5.- Erabaki hau bai Nafarroako Aldizkari Ofizialean bai Nafarroako Foru Erkidegoan gehien zabalitzen diren egunkarietako batean argitaratzea.
- 6.- Eragindako ondasun eta eskubideen zerrenda: L. ERANSKINEAN dago.

Egintza edo erabaki honen aurka honako helegite hauek jar daitezke:

- Nahiz izanez gero, hilabeteko epean hura jakinarazi eta biharamunetik aurrera, BIRJARPEN HELEGITEA, erabakia hartu zuen organo beraren aurrean, edo GORAKO HELEGITEA Nafarroako Administrazio Auzitegiaren aurrean.
- ADMINISTRAZIOAREKIKO AUZI-HELEGITEA, bi hilabeteko epean barruan, hura jakinarazi eta biharamunetik aurrera, Nafarroako Auzitegi Nagusiko Administrazioarekiko Auzien Sallean, 29/1998 Legeko 8.1 artikuluan aipatzen diren kausetan izan ezik; horietan, Administrazioarekiko Auzien Epaitegiaren jarriko da.

OLAZTI, 2001-11-29an. IDAZKARIA.